

**O B A V J E Š T E N J E**  
**ZA FIZIČKA I PRAVNA LICA KOJA SE BAVE**  
**POLJOPRIVREDNOM SAVJETODAVNOM DJELATNOŠĆU**

*Stupanjem na snagu Zakona o poljoprivrednim savjetodavnim službama („Službene novine Federacije BiH“, broj 66/13) dana 05.09.2013. godine i donošenjem podzakonskih akata u toku 2014. i 2015. godine, djelomično su ispunjeni uvjeti za početak primjene odredbi Zakona u odnosu na subjekte koji se bave nekom od aktivnosti poljoprivredne savjetodavne djelatnosti na teritoriji Federacije BiH.*

*Ovo obavještenje sadrži kratak pregled obaveza i rokova u kojima će pravna odnosno fizička lica koja se bave poljoprivrednom savjetodavnom djelatnošću te obaveze morati ispunjavati da bi se na teritoriji Federacije BiH mogli baviti poljoprivrednom savjetodavnom djelatnošću.*

**Poljoprivredna savjetodavna djelatnost**

*Poljoprivredna savjetodavna djelatnost je zakonom regulirana oblast i obuhvata:*

- *davanje stručnih savjeta i prikaz novih tehnologija i tehnika proizvodnje s ciljem tehnološko tehničkog unapređenja poljoprivrednih gazdinstava i povećanja poljoprivredne proizvodnje;*
- *osposobljavanje poljoprivrednika za upravljanje poljoprivrednim gazdinstvom, vođenje poljoprivrednog knjigovodstva;*
- *sudjelovanje u izradi poslovnih planova, razvojnih i investicijskih programa za različite načine upravljanja poljoprivrednim gazdinstvom (konvencionalna, integralna, organska proizvodnja), kao i za dopunske aktivnosti;*
- *informisanje poljoprivrednika o programima novčanih podrški u poljoprivredi i ruralnom razvoju;*
- *davanja preporuke poljoprivrednicima o vremenu i načinu zaštite od biljnih štetočina na osnovu podataka izvještajno – prognozne službe;*
- *sudjelovanje u prikupljanju tržišnih informacija za potrebe: poljoprivrednog informacijskog centra, sistema poljoprivredno knjigovodstvenih podataka (FADN) i drugih podataka iz oblasti poljoprivrede u Federaciji;*
- *pomoć u osnivanju i radu različitih oblika udruživanja poljoprivrednika;*
- *pružanje stručne pomoći u razvoju ruralnih područja i očuvanju tradicionalnih vrijednosti u tim područjima;*
- *sudjelovanje u provođenju projekata i programa iz oblasti poljoprivrede i ruralnog razvoja finansiranih od strane vladinih, nevladinih i međunarodnih organizacija i drugih izvora;*
- *stručno usavršavanje poljoprivrednika za uspostavu sistema poljoprivredne proizvodnje u skladu sa standardima EU;*
- *priprema pisanih materijala za potrebe poljoprivrednika, oglašavanje u medijima i putem interneta;*

- sudjelovanje u organizaciji i izvođenju stručnih skupova, manifestacija i konferencija, izložbi i sl.;
- sudjelovanje u izradi, izvođenju i procjenjivanju oglada u oblasti poljoprivrede; i
- pružanje pomoći u ostalim poslovima za koje poljoprivrednici iskažu interes.

### **Savjetodavne službe**

Savjetodavna djelatnost može se obavljati putem javne savjetodavne službe i privatne savjetodavne službe.

#### **Javnu savjetodavnu službu vrši:**

- Federalno ministarstvo poljoprivrede, vodoprivrede i šumarstva- Centralna savjetodavna služba;
- Kantonalna ministarstva nadležna za poslove poljoprivrede ;
- Kantonalne agencije i zavodi za poslove poljoprivrede; i
- Gradske i općinske službe nadležne za poslove poljoprivrede.

#### **Privatna savjetodavna služba je služba koju vrši:**

- Pravno lice kojem je izdata dozvola za rad – licenca od Federalnog ministarstva poljoprivrede, vodoprivrede i šumarstva, a na osnovu koje se upisuje u Registar poljoprivrednih savjetodavnih službi koje vodi ovo Ministarstvo.

Poljoprivrednici mogu dobrovoljno učestvovati u sistemu savjetodavne službe. Pristup savjetodavnoj službi imaju sve kategorije poljoprivrednika, a vršioci savjetodavne djelatnosti dužni su osigurati tajnost ličnih ili pojedinačnih informacija ili podataka do kojih dođu u vlasništvo pružajući savjetodavne usluge.

Savjetodavne službe u svom radu koriste propisane metode savjetodavnog rada.

#### **Savjetodavna služba ne može obavljati slijedeće poslove:**

1. reklamne i promotivne poslove za sjemenske kuće, proizvođače mineralnih đubriva i sredstava za zaštitu, mehanizacije i sl., izuzev u slučajevima kada su one dio sajмова, izložbi i demonstracijskih oglada i uz učešća najmanje još jednog izlagača sličnog proizvoda; i
2. proizvodne aktivnosti, izuzev slučajeva kada se radi o oglednoj, demonstracionoj ili intodukcijskoj proizvodnji i ako ta služba ima saglasnost Federalnog ministarstva poljoprivrede, vodoprivrede i šumarstva.

### **Metode savjetodavnog rada**

Savjetodavna služba u vršenju savjetodavne djelatnosti korisniku pruža sljedeće vrste usluga: usluga informisanja; usluga savjetovanja; usluga edukacije i pružanje stručne pomoći.

Vrste usluga savjetodavne službe, odabir metoda savjetodavnog rada i način izvještavanja o njihovoj primjeni od strane poljoprivredne savjetodavne službe, detaljno je propisan odredbama Pravilnika o metodama savjetodavnog rada, koji je objavljen dana 04.06.2013. godine u „Službenim novinama Federacije BiH" broj 44/14, a na snazi od je 05.06.2014. godine, a tekst istog nalazi se na službenoj internet stranici ovog Ministarstva.

## **Poljoprivredni savjetodavac**

- je fizičko lice koje obavlja savjetodavnu djelatnost na stručnoj osnovi, posjeduje certifikat o položenom stručnom ispitu i upisan je u Registar poljoprivrednih savjetodavca koji vodi Federalnog ministarstva poljoprivrede, vodoprivrede i šumarstva.

Podzakonski akt kojim se, između ostalog, detaljno propisuje način polaganja stručnog ispita za poljoprivrednog savjetodavca, visina naknade za polaganje stručnog ispita i za izdavanje certifikata, upis u Registar poljoprivrednih savjetodavaca koji uspostavlja i vodi Federalno ministarstvo poljoprivrede, vodoprivrede i šumarstva, te obavezna godišnja obuka za poljoprivrednog savjetodavca, utvrđena je odredbama Pravilnika o obuci, certifikatu i Registru poljoprivrednih savjetodavaca, koji je objavljen dana 20.05.2015. godine u „Službenim novinama Federacije BiH“ broj 38/15, a na snazi od je 21.05.2015. godine, a tekst istog nalazi se na službenoj internet stranici ovog Ministarstva.

Iznos naknade za troškove pohađanja obuke, polaganja stručnog ispita i izdavanja certifikata snosi fizičko lice, odnosno poslodavac kod koga je fizičko lice uposlano.

## **Licenca za rad i Registar privatnih poljoprivrednih savjetodavnih službi**

Pravno lice registrovano za obavljanje djelatnosti privatne savjetodavne službe kod nadležnog suda mora posjedovati i dozvolu za rad - licencu za jednu ili više sljedećih oblasti savjetodavne djelatnosti:

- a) ratarstvo, povrtlarstvo, mehanizacija i ekonomika ovih proizvodnji;
- b) voćarstvo, mehanizacija i ekonomika ove proizvodnje;
- c) vinogradarstvo, mehanizacija i ekonomika ove proizvodnje;
- d) stočarstvo, akvakultura, mehanizacija i ekonomika ovih proizvodnji;
- e) ruralni razvoj; i

mora biti upisano u Registar poljoprivrednih savjetodavnih službi koji uspostavlja i vodi Federalno ministarstvo poljoprivrede, vodoprivrede i šumarstva.

Podzakonski akt kojim se, između ostalog, detaljno propisuju uslovi za izdavanje licence i upis u Registar službi, utvrđen je odredbama Pravilnika o načinu i postupku izdavanja licence, upisu i vođenju podataka u Registru poljoprivrednih savjetodavnih službi, koji je objavljen dana 20.05.2015. godine u „Službenim novinama Federacije BiH“ broj 38/15, a na snazi je od 21.05.2015. godine, a tekst istog nalazi se na službenoj internet stranici ovog Ministarstva.

## **Program obuke za poljoprivrednog savjetodavca**

O terminima organizovanja i izvođenja obuke lica koja se prijavljuju za polaganje stručnog ispita za poljoprivrednog savjetodavca radi dobivanja certifikata, pravovremeno će se izraditi obavještenje, koje će biti objavljeno na internet stranici ovog Ministarstva.

Sarajevo, juli 2015. godine

*godišnji program obuke certificiranih poljoprivrednih savjetodavaca provode stručne i naučno  
- obrazovne institucije u Federaciji BiH koje su registrovane za ove djelatnosti*